

BOSNA I HERCEGOVINA
FEDERACIJA BOSNE I HERCEGOVINE
VLADA

NACRT

Z A K O N
O FONDU ZA ZAŠTITU OKOLIŠA I ENERGETSKU
EFIKASNOST FEDERACIJE BOSNE I HERCEGOVINE

Sarajevo, decembar 2013. godine

Z A K O N

**O FONDU ZA ZAŠTITU OKOLIŠA I ENERGETSKU EFIKASNOST FEDERACIJE
BOSNE I HERCEGOVINE**

I – OPĆE ODREDBE

Član 1.

(Osnivanje Fonda)

Ovim zakonom se osniva Fond za zaštitu okoliša i energetske efikasnosti Federacije Bosne i Hercegovine (u daljnjem tekstu: Fond), utvrđuje organizacija Fonda, organiziranje i upravljanje Fondom, ostvarivanje prihoda, raspodjela sredstava, imovina i finansijsko poslovanje, te javnost Fonda.

Član 2.

(Osnivač Fonda)

Osnivač Fonda je Federacija Bosna i Hercegovina (u daljnjem tekstu: Federacija).

Prava i dužnosti osnivača iz stava 1. ovog člana obavlja Vlada Federacije Bosna i Hercegovina (u daljnjem tekstu: Vlada Federacije).

Član 3.

(Djelatnost Fonda)

Djelatnost Fonda obuhvata poslove u vezi s prikupljanjem i distribucijom sredstava na teritorij Federacije BiH, kao i finansiranjem pripreme, provedbe i razvoja programa, projekata i sličnih aktivnosti u području očuvanja, održivog korištenja, zaštite i unapređivanja okoliša, te u području energetske efikasnosti i korištenja obnovljivih izvora energije, a naročito :

- a) podrška ostvarivanju zadataka vezanih za realizaciji akcionog plana Federalne strategije zaštite okoliša i plana rada u četvorogodišnjem mandatu, razrađenom po godinama, koje donosi Vlada Federacije, a koji se odnose na aktivnosti Federalnog ministarstva okoliša i turizma, u segmentu unapređenje zaštite okoliša.
- b) podrška ostvarivanju zadataka vezanih za realizaciju strateških i planskih dokumenata iz oblasti energije i plana rada Fonda u četvorogodišnjem mandatu, razrađenom po godinama, koje donosi Vlada Federacije, a koji se odnose na aktivnosti Federalnog ministarstva energije, rudarstva i industrije, u segmentu poboljšanja energetske efikasnosti i unapređenja korištenja obnovljivih izvora energije i kogeneracije.

- c) stručne i druge poslove u vezi sa pribavljanjem, upravljanjem i korištenjem sredstava Fonda,
- d) iniciranje, finansiranje, posredovanje i nadzor realizacije projekata iz djelokruga rada Fonda,
- e) posredovanje u vezi sa finansiranjem zaštite okoliša, energetske efikasnosti i obnovljivih izvora energije iz sredstava međunarodnih organizacija, finansijskih institucija i tijela, kao i stranih pravnih i fizičkih lica,
- f) kontinuirano praćenje programa, projekata i ostalih aktivnosti kroz mjerljive učinke (indikatore) zaštite okoliša, količinu uštede energije i novca, i smanjenje emisije zagađivača, uz finansiranje izrade periodičnih izvještaja o stanju okoliša Federacije,
- g) vođenje odvojenih baza podataka o pripremi, provedbi i razvoju programa, i sličnih aktivnosti iz područja zaštite okoliša, energetske efikasnosti i obnovljivih izvora energije, te o potrebnim i raspoloživim finansijskim sredstvima za njihovo ostvarivanje,
- h) podsticanje, uspostavljanje i ostvarivanje saradnje sa međunarodnim i domaćim finansijskim institucijama i drugim pravnim i fizičkim licima radi finansiranja zaštite okoliša, energetske efikasnosti, kao i obnovljivih izvora energije u skladu sa interesima zaštite okoliša Federacije, strateškim dokumentima, akcionim i sanacionim planovima i drugim planovima i programima, kao i međunarodnim ugovorima za namjene utvrđene ovim zakonom i
- i) obavljanje drugih poslova koji su u vezi sa podsticanjem i finansiranjem zaštite okoliša, energetske efikasnosti i obnovljivih izvora energije, utvrđenih propisima kojima se reguliše oblast zaštite okoliša, energetska efikasnost i obnovljivi izvori energije.

Fond može obavljati i druge djelatnosti utvrđene Statutom koje služe obavljanju djelatnosti iz stava 1. ovoga člana.

U vezi sa obavljanjem djelatnosti Fonda kao javne ustanove, Fond ima ovim zakonom propisane javne ovlasti u okviru kojih donosi upravne i druge akte, te odlučuje o pitanjima značajnim za upravljanje sredstvima Fonda.

U obavljanju svoje djelatnosti Fond primjenjuje principe transparentnosti, javnosti, objektivnosti i odgovornosti u odlučivanju i primjene međunarodno priznatih standarda dobre prakse.

Fond je dužan odgovorno upravljati finansijskim sredstvima prikupljenim na način propisan ovim Zakonom i posebnim propisima, s ciljem efikasnog implementiranja prikupljenih sredstava, uz minimalne troškove svojih administrativnih rashoda.

Član 4.

(Ciljevi i principi rada Fonda)

U obavljanju svoje djelatnosti Fond osigurava finansijsku podršku za ostvarivanje ciljeva i principa zaštite okoliša i unapređenja energetske efikasnosti, definisanih u strateškim dokumentima Federacije, planovima zaštite okoliša kantona i jedinica lokalne

samouprave, radi podizanja kvalitete sistemskog i cjelovitog očuvanja okoliša, očuvanja prirodnih zajednica, uz racionalno korištenja prirodnih dobara, energije i upravljanje otpadom, kao osnovnih preduslova održivog razvoja, te ostvarivanja prava čovjeka na zdrav okoliš.

II ORGANIZACIJA FONDA

Član 5.

(Organiziranje Fonda)

Fond je javna ustanova koja djeluje u skladu sa propisima koji regulišu rad ustanova, ako ovim zakonom nije drugačije utvrđeno.

Fond ima svojstvo pravnog lica s pravima, sa javnim ovlastima, pravima, obavezama i odgovornostima utvrđenim ovim zakonom, Zakonom o zaštiti okoliša („Službene novine Federacije BiH“, br. 33/03 i 38/09), Zakonom o vodama („Službene novine Federacije BiH“, broj: 70/06) i Statutom Fonda.

Fond je neprofitno pravno lice i ima jedan žiro-račun za redovno poslovanje.

Fond uz osnovni račun iz stava 3. ovog člana ima odvojene podračune.

Član 6.

(Naziv i sjedište Fonda)

Naziv Fonda je – Fond za zaštitu okoliša i energetske efikasnost Federacije Bosne i Hercegovine.

Sjedište Fonda je u Sarajevu.

Član 7.

(Upravljanje i raspolaganje)

Fond upravlja i raspolaze namjenskim sredstvima, utvrđenim ovim zakonom.

Član 8.

(Statut Fonda)

Fond ima Statut i druge opće akte, u skladu sa Zakonom i Statutom Fonda.

Statut Fonda donosi Upravni odbor uz saglasnost Vlade Federacije.

Statutom Fonda pobliže se uređuje:

- djelokrug rada, organizacija ovlaštenja i odgovornosti rukovodstva Fonda;

- ograničenja u pogledu sticanja, opterećivanja i otuđivanja nekretnina i druge imovine Fonda;
- namjena, način raspoređivanja, odnosno korištenja sredstava Fonda;
- javnost rada Fonda, saradnja sa državnim tijelima i drugim pravnim i fizičkim licima u ostvarivanju djelatnosti Fonda;
- obavljanje stručnih, administrativnih i drugih poslova Fonda;
- pitanja za koja propisuje zakon da se uređuju Statutom;
- prava, obaveze i odgovornosti zaposlenih;
- druga pitanja od značaja za obavljanje djelatnosti i poslovanje Fonda.

Pod drugim općim aktima iz stava 1. ovog člana podrazumijevaju se akti kojima se utvrđuju uslovi koje moraju ispunjavati korisnici sredstava Fonda, uslovi i način dodjele sredstava Fonda, kriteriji i mjerila za ocjenu zahtjeva za dodjelu sredstava Fonda, način praćenja namjenskog korištenja sredstava i ugovoreni prava i obaveza, način obavljanja poslova Fonda, kao i druga pitanja od značaja za rad Fonda.

Statut i drugi opći akti Fonda objavljuju se u "Službenim novinama Federacije BiH".

III ORGANIZOVANJE I UPRAVLJANJE FONDOM

Član 9.

(Upravni odbor Fonda)

Fondom upravlja Upravni odbor. Upravni odbor se sastoji od pet članova koje imenuje i razrješava Vlada Federacije. Predsjednik i članovi Upravnog odbora moraju imati sedmi stepen stručne spreme, odnosno visoko obrazovanje prvog ciklusa, koje se vrednuje sa 240 ECTS bodova, koji imaju najmanje petogodišnje iskustvo za jedno od sljedećih područja: zaštite okoliša, energetike, javnih finansija i upravljanja vodama. Upravni odbor se imenuje za period od četiri godine.

U Upravni odbor Fonda na prijedlog resornih ministarstava Vlada Federacije imenuje:

- 2 predstavnika Federalnog ministarstva okoliša i turizma;
- 1 predstavnika Federalnog ministarstva energetike, rudarstva i industrije;
- 1 predstavnika Federalnog ministarstva prostornog uređenja;
- 1 predstavnika Federalnog ministarstva poljoprivrede, vodoprivrede i šumarstva.

Član 10.

(Djelokrug rada Upravnog odbora)

Upravni odbor u svojem djelokrugu vrši sljedeće poslove:

- donosi Statut i druge opće akte Fonda;
- usvaja srednjoročni program rada, te godišnji finansijski plan i plan rada na prijedlog direktora Fonda, a u skladu sa članom 3. ovog Zakona,
- usvaja godišnji obračun;

- usvaja godišnji finansijski izvještaj i godišnji izvještaj o radu;
- stara se o pravovremenom priticanju sredstava u Fond kao i transparentom odlivu istih;
- održava fiskalnu ravnotežu i ne dopušta stvaranje finansijskih obaveza Fonda prema korisnicima koje ne može pokriti iz prihoda;
- daje saglasnost za donošenje Poslovnika o radu,
- imenuje komisije i radna tijela Upravnog odbora u skladu s poslovníkom;
- vrši i druge poslove u skladu sa Zakonom, Statutom i drugim općim aktima Fonda i
- Imenuje irazrješava direktora Fonda uz saglasnost Vlade Federacije

Član 11.

(Donošenje odluka)

Upravni odbor donosi odluke kvalificiranom većinom svih članova Upravnog odbora.

Statutom se može odrediti o kojim pitanjima je Upravni odbor dužan donijeti odluke konsenzusom.

Član 12.

(Nadzorni odbor)

Nadzor nad radom Fonda vrši Nadzorni odbor.

Nadzorni odbor se sastoji od tri člana. Predsjednika i članove Nadzornog odbora imenuje i razrješava Vlada Federacije BiH na osnovu prijedloga Federalnog ministarstva okoliša i turizma.

Predsjednik i članovi Nadzornog odbora se imenuju na period od četiri godine, i može im se jednom produljiti mandat.

Član 13.

(Djelokrug rada Nadzornog odbora)

Nadzorni odbor vrši sljedeće poslove:

- provodi nadzor nad zakonitošću rada Fonda;
- analizira godišnji izvještaj o radu Fonda;
- vrši uvid u godišnje izvještaje o poslovanju i godišnji finansijski obračun Fonda i
- izvještava Vladu i Parlament Federacije Bosne i Hercegovine o rezultatima nadzora.

Način rada i donošenje odluka Nadzornog odbora uređuje se Statutom Fonda.

Član 14.

(Upravljanje Fondom)

Fondom upravlja direktor. Direktor predstavlja i zastupa Fond.

Direktora imenuje i razrješava Vlada Federacije.

Direktor se bira na osnovu javnog konkursa, objavljenog u najmanje dva dnevna lista koja pokrivaju cijelo područje Federacije, za razdoblje od četiri godine.

Za direktora Fonda imenuje se lice sa visokom stručnom spremom, koji ima sedmi stepen stručne spreme, odnosno visoko obrazovanje prvog ciklusa, koje se vrednuje sa 240ECTS bodova i najmanje petogodišnjim iskustvom u finansijskom poslovanju i poznavanju okolišnog menadžmenta.

Djelokrug, ovlasti i odgovornosti direktora:

- predstavlja i zastupa Fond,
- organizuje i rukovodi radom Fonda,
- odlučuje u skladu sa zakonom o pravima iz radnog odnosa zaposlenih u Fondu,
- i odgovara za zakonitost rada, korištenje i raspolaganje imovinom Fonda,
- predlaže akte koje donosi Upravni odbor Fonda,
- izvršava odluke osnivača i Upravnog odbora Fonda,
- donosi Pravilnik o unutrašnjoj organizaciji i sistematizaciji radnih mjesta u Fondu, uz prethodnu saglasnost Vlade, i
- obavlja i druge poslove u skladu sa ovim Zakonom i Statutom Fonda.

Član 15.

(Struktura Fonda)

Fond ima upravne, nadzorne, stručne i savjetodavne službe.

Osnivanje, sastav i način rada, te poslove i ovlasti službi iz stava 1.ovoga člana uređuje se Statutom Fonda.

Sredstva za obavljanje stručnih, administrativnih i drugih poslova Fonda obezbjeđuju se iz ukupnoga prihoda Fonda.

IV OSTVARIVANJE PRIHODA FONDA

Član 16.

(Obezbjeđivanje prihoda Fonda)

Prihodi Fonda za finansiranje zaštite okoliša, u skladu sa ovim zakonom, obezbjeđuju se iz:

- naknada zagađivača okoliša;
- naknada korisnika okoliša;
- posebna naknada za okoliš koja se plaća pri svakoj registraciji motornih vozila
- naknada za opterećenje okoliša otpadom;
- općih i posebnih vodnih naknada i
- posebne naknade za pitanja energetske efikasnosti.

Prihodi Fonda osiguravaju se i iz:

- sredstava osiguranih na osnovu međunarodne bilateralne i multilateralne saradnje, te saradnje u zemlji na zajedničkim programima, projektima i sličnim aktivnostima u području zaštite okoliša;
- budžeta Federacije;
- kredita banaka;
- sredstava iz zajmova i pozajmica drugih pravnih lica i finansijskih institucija;
- darovanim sredstvima i drugim vidovima podrške,
- poslovanja Fonda (naknada za obavljene usluge, otplate glavnica, kamata, i dr.);
- drugih izvora sredstava određenih posebnim zakonom, drugim propisima ili ugovorom.

Član 17.

(Obaveznici plaćanja naknada)

Zagađivači okoliša, obaveznici plaćanja naknada iz člana 16., stava 1., alineje 1. ovoga zakona, su:

- pravna i fizička lica čije djelovanje neposredno ili posredno uzrokuje onečišćavanje okoliša u smislu Zakona o zaštiti okoliša, drugih okolišnih zakona i/ili međunarodnih propisa;
- pravna i fizička lica koja proizvode ili uvoze proizvode/robe koje su štetne tvari ili ih sadrže, u skladu sa Zakonom o zaštiti okoliša, drugim propisima i/ili međunarodnim propisima, odnosno, proizvode/robe koje mogu značajnije opteretiti okoliš;
- pravna lica koji svojim aktivnostima onečišćuju okoliš na način da emituju u zrak zagađujuće materije

Korisnici okoliša, obaveznici plaćanja naknade iz člana 16., stava 1., alineje 2. ovoga zakona su pravna i fizička lica koja su vlasnici ili ovlaštenici prava na građevinama, odnosno građevnim cjelinama koje služe za obavljanje privredne ili druge djelatnosti za koje je propisana obaveza izrade studije o procjeni utjecaja na okoliš.

Obaveznici plaćanja posebne naknade iz člana 16 stava 1., alineje 3. su pravna i fizička lica koja su vlasnici ili ovlaštenici prava na motornim vozilima.

Obaveznici plaćanja posebne naknade iz člana 16 stav 1., alineje 4. . su pravna i fizička lica definisana Zakonom o upravljanju otpadom i njegovim provedbenim propisima.

Obaveznici plaćanja posebne naknade iz člana 16 stava 1., alineje 5. su pravna i fizička lica definisana Zakonom o vodama Federacije BiH.

Obaveznici plaćanja posebne naknade iz člana 16 stava 1., alineje 6. su pravna i fizička lica kako je definisano propisima o energetskej efikasnosti.

Fizička lica iz stava 1. Ovog člana su poduzetnici koji obavljaju djelatnost u svoje ime i za svoj račun radi sticanja dobiti u skladu sa propisima koji regulišu obrtničko-poduzetničku djelatnost.

Član 18.

(Definiranje naknada)

Fond donosi rješenja o naknadama u okviru povjerenih javnih ovlasti.

Iznosi naknada iz člana 16., stav 1., alineje 1., ovoga zakona koje plaćaju obaveznici zagađivači okoliša iz člana 17., stav 1., alineje 1. Ovog Zakona određuju se prema:

- količini, jačini uticaja i/ili vrsti ispusta zagađujućih tvari,
- Vrsti količini i osobini odloženih otpadnih tvari, koje neposredno ili posredno nakon upotrebe proizvoda/roba i/ili hemijskih proizvoda dolaze u okoliš, te drugih zahvata ili pojava nepovoljnih za okoliš
- cijeni, odnosno carinskoj vrijednosti proizvoda/robe, te količini i stepenu štetnosti ili nepovoljnog uticaja na okoliš, odnosno opterećenja;
- cijeni usluge; -
- te na drugi način utvrđen propisom iz stava 5. ovoga člana.

Iznosi naknada iz člana 16., stava 1., alineje 2., koje plaćaju korisnici okoliša iz člana 17., stav 2., ovoga zakona određuje se prema:

- veličini i vrsti građevine, građevne cjeline, odnosno zahvata (površine, namjeni, vrsti gradnje, kapacittu i dr.) i stepenu negtivnog uticaja na okoliš
- te na drugi način utvrđen propisima iz stava 7. ovoga člana.

Iznosi naknada iz člana 16., stav 2., alineje 2., koje plaćaju korisnici okoliša iz člana 17 stav 2. ovoga zakona određuje se prema:

- veličini i vrsti građevine, građevne cjeline, odnosno zahvata (površine, namjeni, vrsti gradnje, kapacitetu i dr.) i stepenu negativnog uticaja na okoliš,
- te na drugi način utvrđen propisom iz stava 7. ovoga člana.

Iznosi naknada iz člana 16., stav 1., alineje 53, koje plaćaju vlasnici ili ovlaštenici prava prema motornim vozilima, određuje se prema:

- vrsti i starosti motornog vozila;
- vrsti motora, pogonskog goriva i radnoj zapremini motora;
- te na drugi način utvrđen propisom iz stava 7. ovoga člana.
-

Detaljne mjere i način određivanja naknada iz stava 2., 3., 4., i 5. ovoga člana propisat će Vlada Federacije BiH

Član 19.

(Rokovi obračuna i plaćanja naknada)

Način obračuna i plaćanja, te rokove obračuna i plaćanja iz člana 17. stava 1. Propisat će Federalni ministar okoliša i turizma uz saglasnost Federalnog ministra finansija, a u skladu sa postojećim zakonima i propisima iz područja zaštite okoliša, vodoprivrede, upravljanja otpadom i energijom.

Naknade utvrđene u skladu sa stavom 1. ovoga člana uplaćivaće se u korist Fonda, danom stupanja na snagu propisa iz stava 1. ovoga člana.

Član 20.

(Povlastice obaveznika plaćanja)

U iznimnim situacijama, Vlada Federacije će na usaglašeni prijedlog Federalnog ministarstva okoliša i turizma i Federalnog ministarstva energije, rudarstva i industrije odrediti povlastice, oslobađanje ili olakšice od plaćanja posebnih naknada za određene kategorije obaveznika.

Član 21.

(Registar obaveznika plaćanja)

Fond je dužan obaveznicima plaćanja, utvrđenih odredbama člana 17. ovoga Zakona, uspostaviti i voditi registar obaveznika plaćanja naknada i sredstava iz člana. 18 ovoga Zakona.

Sadržaj, način i rokove uspostave i vođenja registra propisaće Federalni ministar okoliša i turizma.

Obaveznik plaćanja, upisan u registar, dužan je prijaviti Fondu prestanak poslovanja, statusnu promjenu ili promjenu djelatnosti u roku od 15 dana od dana nastanka tih promjena.

V RASPODJELA SREDSTAVA

Član 22.

(Raspodjela prikupljenih sredstava)

Sredstva prikupljena u Fond biće raspoređena u skladu s postojećim zakonima i propisima iz oblasti: zaštite okoliša; upravljanja vodama; upravljanja otpadom; energetske efikasnosti; obnovljivih izvora energije i kogeneracije .

Sredstva od naknade za zagađivače okoliša prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu sa udjelom plaćene naknade na području pojedinog kantona.

Sredstva od naknade za korisnike okoliša prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu sa udjelom plaćene naknade na području pojedinog kantona.

Sredstva od opće i posebne vodne naknade, u iznosu definisanom Zakonom o vodama, prikupljaju se i raspodjeljuju se na osnovni račun Fonda.

Sredstva od naknade za opterećenje okoliša otpadom prikupljaju se na osnovni račun Fonda i troše u skladu sa akcionim planom Federalne strategije zaštite okoliša, Federalnim planom upravljanja otpadom, i drugim planovima donesenim u skladu sa Zakonom o upravljanju otpadom i njegovim provedbenih propisa.

Sredstva od posebne naknade za okoliš, koja se plaća pri svakoj registraciji motornih vozila, prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu sa udjelom plaćene naknade na području pojedinog kantona.

Sredstva od posebne naknade za energetske efikasnost prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu sa udjelom plaćene naknade na području pojedinog kantona.

Fond je dužan da osigura da nadležna tijela kantona imaju stalni uvid u promet i stanje podračuna Fonda za taj kanton.

Kantoni imaju pravo na korištenje cjelokupnog iznosa sredstava na podračunu za svaki od kantona, podnošenjem zahtjeva prema Fondu za zaštitu okoliša i energetske efikasnost uz ispunjavanje pod sljedećim uslovima:

- da je kanton u prvom tromjesečju tekuće godine dostavio Fondu prihvatljiv izvještaj o namjenskom korištenju sredstava doznačenih za proteklih 12 mjeseci;
- da kanton posjeduje i dostavi Fondu Plan zaštite okoliša i Plan energetske efikasnosti kantona, usvojen od strane vlade kantona;
- da je kanton u prvom tromjesečju tekuće godine, dostavio Fondu godišnji plan investiranja u projekte zaštite okoliša i energetske efikasnosti, koji je usklađen sa Planom zaštite okoliša kantona;

Fond po osnovu podnesenog Zahtjeva iz stava 9 ovog člana donosi Rješenje.

Na Rješenje fonda može se izraziti žalba nadležnom Federalnom ministarstvu u roku od 8 dana, od dana dostavljanja Rješenja.

Sredstva s podračuna Fonda za kanton uplaćuju se kantonu u roku 15 dana od odobrenja Zahtjeva za finansiranje iz stava 9. ovog člana i nastavljaju distribuirati kvartalno za tekuću godinu.

Član 23.

(Korištenje prikupljenih sredstava)

Sredstva Fonda se prikupljaju i koriste isključivo namjenski za finansiranje zaštite okoliša, poboljšanja energetske efikasnosti i korištenja obnovljivih izvora energije, u skladu sa akcionim planom Federalne strategije zaštite okoliša, zakonom, statutom, programom rada Fonda, kao i drugim relevantnim strateškim dokumentima Federacije BiH i Bosne i Hercegovine, a posebno za:

- zaštitu, očuvanje i poboljšanje kvaliteta zraka, tla, voda i mora, te ublažavanje posljedica klimatskih promjena i zaštitu ozonskog omotača;
- saniranje, podsticanje izbjegavanja i smanjivanja nastajanja otpada;
- iskorištavanje vrijednih svojstava, te obrade otpada;
- zaštitu i očuvanje biološke i pejzažne raznolikosti;
- provedbu energetskih programa iz područja poboljšanja energetske efikasnosti i korištenja obnovljivih izvora energije;
- programa razminiravanja;
- unapređivanje i izgradnju infrastrukture za zaštitu okoliša;
- poboljšanje praćenja i ocjenjivanja stanja okoliša, poboljšanja energetske efikasnosti i povećanja udjela obnovljivih izvora energije na federalnom i kantonalnom nivou kao i pratećih ekonomskih i društvenih koristi,
- uspostavu sistema upravljanja okolišnim podacima, informacijama, indikatorima i izradu periodičnih izvještaja o stanju okoliša Federacije;
- podsticanje uvođenja sistema upravljanja energijom i primjene mjera energetske efikasnosti u javnom i privatnom sektoru;

- podsticanje čistijeg transporta;
- podsticanje održivog korištenja prirodnih dobara, poboljšanja energetske efikasnosti i korištenja obnovljivih izvora energije;
- podsticanje održivih privrednih djelatnosti, odnosno održivog ekonomskog razvoja;
- podsticanje istraživačkih, razvojnih studija, programa projekata i drugih aktivnosti, uključujući i demonstracijske, obrazovne aktivnosti i aktivnosti jačanja i podizanja svijesti javnosti o pitanjima zaštite okoliša , energetske efikasnosti i održivog razvoja.

Fond može sudjelovati u sufinansiranju programa, projekata i sličnih aktivnosti za namjene iz stava 1. ovoga člana, koje organizuju i finansiraju međunarodne finansijske institucije i organizacije.

Kantoni sredstva sa podračuna Fonda za kanton moraju koristiti za namjene iz stava 1. ovog člana u skladu sa strateškim programima zaštite okoliša i energetske efikasnosti kantona iz člana 22. stav 9. ovog Zakona.

Kantoni su dužni, u prvom tromjesečju tekuće godine, Fondu podnijeti izvještaj o namjenskom korištenju doznačenih sredstava za proteklih 12 mjeseci.

Izvještaj iz stava 4. ovog člana mora sadržavati i plan investiranja u projekte zaštite okoliša i energetske efikasnosti na području kantona iz člana 22. Stav 9. ovog Zakona za sljedećih 12 mjeseci.

Član 24.

(Dodjela sredstava)

Sredstva Fonda dodjeljuju se pravnim i fizičkim licima, korisnicima sredstava, radi finansiranja namjena utvrđenih članom 23., stav 1. ovoga zakona, putem zajmova i pozajmica, kredita, subvencija i grantova, a na osnovu javnog konkursa kojeg objavljuje Fond.

Javne konkurse iz stava 1. ovog člana Fond objavljuje za cijelo područje Federacije BiH.

Za javne konkurse iz stava 2. ovog člana koriste se sredstva s osnovnog računa Fonda.

Isti program, projekt ili aktivnost ne može biti sufinansiran i s federalnog i s kantonalnog nivoa.

Fond je dužan pri dodjeli sredstava primjenjivati princip po kojem se raspoloživim sredstvima treba postići najveća ukupna korist po okoliš, privredu i društvo.

Iznimno od stava 4. ovog člana, Fond može dodijeliti finansijska sredstva za programe, projekte i/ili aktivnosti koji su dio sufinansiranja dobili i iz sredstava Fonda namijenjenih za kantone, ako se dokaže ostvarivanje najveće koristi u skladu sa stavom 5. ovog člana.

Iznimno od stava 1. ovog člana, Fond može sredstva dodijeliti s osnovnog računa i na osnovu odluke Vlade Federacije o sufinansiranju programa, projekata i ostalih aktivnosti kojim se realizuju strateški dokumenti Federacije BiH iz područja zaštite okoliša i poboljšanja energetske efikasnosti.

Iznimno od stava 1. ovog člana, Fond može sredstva dodijeliti s podračuna kantona i na osnovu odluke vlade kantona o sufinansiranju programa, projekata i ostalih aktivnosti kojim se realizuje plan zaštite okoliša i poboljšanja energetske efikasnosti.

Općima aktima Fonda utvrđuju se uslovi koje moraju ispunjavati i korisnici sredstava Fonda, uslovi za dodjelu zajmova i pozajmica i drugih sredstava Fonda, mjerila ocjenjivanja zahtjeva za dodjelu sredstava Fonda, odnosno programa, projekata i sličnih aktivnosti, način praćenja namjenskog korištenja sredstava i ugovoreni prava i obaveza, te druga pitanja od značaja za dodjelu i korištenje sredstava Fonda.

Opće akte iz stava 9. ovoga člana donosi Upravni odbor Fonda uz prethodno pribavljenu saglasnost Federalnog ministarstva okoliša i turizma i Federalnog ministarstva energije, rudarstva i industrije. Korisnici su dužni dodijeljena sredstva Fonda koristiti na način i za namjene utvrđene ugovorom o korištenju sredstava.

VI IMOVINA I FINANSIJSKO POSLOVANJE FONDA

Član 25.

(Imovina Fonda)

Imovinu Fonda čine predmeti, prava i ostala sredstva pribavljena od osnivača, sredstva koja Fond pribavi i obavljanjem svoje djelatnosti ili na drugi način propisan ovim zakonom.

Imovinom Fonda raspolaže direktor Fonda u skladu zakonom i Statutom Fonda.

Član 26.

(Korištenje dobiti Fonda)

Ako u obavljanju svoje djelatnosti Fond ostvari dobit, ta dobit pripada Fondu i može se upotrijebiti isključivo za obavljanje i razvoj djelatnosti Fonda, u skladu sa ovim zakonom i Statutom Fonda.

Član 27.

(Donošenje programa rada Fonda)

Fond donosi srednjoročni program rada, koji ne može biti kraći od tri godine, godišnji finansijski i godišnji plan rada za svaku poslovnu godinu koju odobrava Vlade Federacije BiH, a po prethodno pribavljenom saglasnosti Federalnog ministarstva okoliša i turizma i Federalnog ministarstva energije, rudarstva i industrije, kojim se utvrđuje pravac, dinamika i politika razvoja Fonda.

Program rada iz stava 1. ovog člana mora biti usklađen sa strateškim i planskim dokumentima Federacije iz područja zaštite okoliša i energije.

U srednjoročnom programu rada, godišnjem planu rada i godišnjem finansijskom planu odvojeno se prikazuju programi i projekti, te finansijska sredstva u području zaštite okoliša i u području poboljšanja energetske efikasnosti.

Neurošena sredstva Fonda u poslovnoj godini pripadaju Fondu i raspoređuju se prema planu korištenja viška sredstava uz saglasnost Federalnog ministra finansija.

Član 28.

(Srednjoročno i dugoročne obaveze Fonda)

Fond može preuzimati srednjoročne i dugoročne obaveze uz prethodnu saglasnost Vlade Federacije.

Ukupna godišnja obaveza Fonda iz stava 1. ovoga člana za naredni period može iznositi najviše do 20% ostvarenih sredstava u prethodnoj godini.

Član 29.

(Finansiranje programa i projekata)

Sredstvima Fonda prvenstveno se finansiraju planovi, programi, projekti i slične aktivnosti, utvrđeni u skladu sa akcionim planom Federalne strategije zaštite okoliša, strateškim dokumentima iz oblasti energije, te drugim dokumentima u području zaštite okoliša i energetske efikasnosti.

U finansiranju planova, programa, projekata i sličnih aktivnosti, utvrđenih u skladu sa stavom 1. ovoga člana, Fond saraduje s bankama i drugim finansijskim institucijama.

Član 30.

(Regulisanje plaćanja)

Za utvrđivanje vrste i visine naknade, obaveznika plaćanja, nastanka obaveze obračuna naknada, načina obračuna i plaćanja, te rokovi za uplatu, određivanje povlastica, odnosno oslobađanja ili davanja olakšica, vođenja registra primjenjuju se odredbe

ovoga zakona i njegovih provedbenih propisa, dok se za pitanja koja nisu uređena ovim zakonom primjenjuju odredbe Zakona o upravnom postupku ("Službene novine Federacije BiH", broj 2/98).

VII JAVNOST RADA FONDA

Član 31.

(Javnost rada Fonda)

Rad Fonda je javan.

Fond će podnijeti Vladi Federacije izvještaj o radu i izvještaj o realizaciji finansijskog plana i programa za proteklu godinu u roku utvrđenom Statutom Fonda.

Fond o svomu radu izvještava javnost pravovremeno i istinito na način određen Statutom Fonda.

Statutom Fonda može se propisati sprovođenje nadzora poslovanja Fonda od strane nezavisnih ovlaštenih revizorskih kuća.

Fond je dužan javnosti, ovlaštenim tijelima i pravnim licima koje obavljaju javne djelatnosti, na njihov zahtjev pružiti informaciju o obavljanju svoje djelatnosti, posebno o načinu korištenja sredstava i postignutim efektima na unaprjeđivanju okoliša, poboljšanju energetske efikasnosti, te omogućiti uvid u odgovarajuću dokumentaciju.

Fond može uskratiti davanje informacije, odnosno uvid u dokumentaciju, ako je Statutom Fonda propisana kao službena, poslovna ili naučna tajna.

VIII UPRAVNI I INSPEKCIJSKI NADZOR

Član 32.

(Upravni nadzor nad provođenjem Zakona)

Upravni nadzor nad provođenjem ovog zakona i općih akata Fonda provode Federalno ministarstvo okoliša i turizma i Federalno ministarstvo energije rudarstva i industrije svako iz svog djelokruga.

Član 33.

(Inspekcijski nadzor nad provođenjem Zakona)

Inspekcijski nadzor nad provođenjem ovog zakona i općih akata Fonda provode inspektori Federalne uprave za inspekcijske poslove nadležni za oblast okoliša i energije.

IX KAZNENE ODREDBE

Član 34.

(Kazne za obaveznike koji ne uplaćuju naknade ili sredstva)

Novčanom kaznom u iznosu od 1.000,00 KM do 10.000,00 KM kaznit će se pravno lice, obaveznik plaćanja koji ne uplaćuje naknade ili sredstva, u skladu sa odredbama članova 16., 17., 18. i 19. ovog Zakona

Za prekršaj iz stava 1. ovog člana, kaznit će se i odgovorna osoba pravnog lica, novčanom kaznom u iznosu od 500,00 KM do 3.000,00 KM.

Novčanom kaznom u iznosu od 50,00 KM do 500,00 KM kaznit će se fizičko lice koje očini prekršaj iz stavka 1 ovog člana.

Član 35.

(Kazne Fondu za neuspostavljanje registr obaveznika)

Novčanom kaznom od 1.000,00 KM do 10.000,00 KM kaznit će se Fond ako ne uspostavi registar obaveznika plaćanja na propisani način u skladu sa članom 21. ovog zakona.

Za prekršaj iz stava 1. ovog člana kaznit će se odgovorno lice u Fondu, novčanom kaznom od 500,00 KM do 3.000,00 KM.

Član 36.

(Kazne Fondu za nedostavljanje izvještaja nadležnim tijelima)

Novčanom kaznom od 1.000,00 KM do 10.000,00 KM kaznit će se Fond ako ne dostavi izvještaje nadležnim tijelima ili ih ne dostavi u propisanom roku u skladu sa članovima 22. i 31. ovog zakona

Za prekršaj iz stava 1. ovog člana kaznit će se odgovorno lice u Fondu, novčanom kaznom od 500,00 KM do 3.000,00 KM.

Član 37.

(Kazne fondu za neizvještavanje ilinepružanje informacija)

Novčanom kaznom u iznosu od 1.000,00 KM do 10.000,00 KM kaznit će se Fond ako o svom radu ne izvještava javnost ili ne pruža informacije ovlaštenim tijelima i pravnim licima o obavljanju svoje djelatnosti, te o načinu korištenja sredstava i postignutim efektima na unapređenju stanja okoliša, ili onemogućiti uvid u odgovarajuću dokumentaciju, u skladu sa članom 31. ovog zakona.

Član 38.

(Kazne za obaveznike neprijavlivanja)

Novčanom kaznom od 1.000,00 KM do 10.000,00 KM kaznit će se obaveznik plaćanja ako ne prijavi statusnu promjenu ili promjenu djelatnosti u propisanom roku u skladu sa članom 21. ovog zakona.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500,00 KM do 2.000,00 KM.

Član 39.

(Kazne za Fond zakašnjenje uplata županijama)

Novčanom kaznom od 3.000,00 KM do 15.000,00 KM kaznit će se Fond ukoliko, u zakonom predviđenom roku, ne uplati sredstva kantonalnim projektima u skladu sa članom 22. ovog zakona.

Za prekršaj iz stava 1. ovog člana kaznit će se i odgovorno lice u Fondu novčanom kaznom od 500,00 KM do 3.000,00 KM.

X PRELAZNE I ZAVRŠNE ODREDBE

Član 40.

(Funkcioniranje Fonda nakon stupanja Zakona na snagu)

Stupanjem na snagu ovog Zakona Fond za zaštitu okoliša Federacije BiH i dalje nastavlja postojati sa izmjenjenim nazivom, koji glasi: „Fond za zaštitu okoliša i energetske efikasnosti Federacije Bosne i Hercegovine“, uz postojeći djelokrug rada proširen ovim Zakonom.

Upravni i Nadzorni odbor ostaju u funkciji do imenovanja novih u skladu sa odredbama ovog Zakona.

Vlada Federacije će, u roku od 30 dana od dana stupanja na snagu ovog zakona, izvršiti imenovanje članova Upravnog i Nadzornog odbora Fonda u skladu sa ovim Zakonom.

Svi postojeći uposlenici ostaju i dalje uposlenici fonda.

Fond će, u roku od 60 dana od dana stupanja na snagu ovog zakona, uskladiti poslovanje, i Statut Fonda i opće akte s odredbama ovoga Zakona.

Član 41.

(Donošenje provedbenih propisa)

Vlada Federacije će donijeti provedbene propise iz čl. 18. ovoga zakona u roku od 90 dana od dana stupanja na snagu ovoga zakona.

Federalni ministar okoliša i turizma, uz saglasnost Federalnog ministra energije, rudarstva i industrije, donijet će provedbeni propis iz člana 19. a u roku od 90 dana od dana stupanja na snagu ovoga zakona.

Federalni ministar okoliša i turizma, donijet će provedbeni propis iz člana 21., u roku od 90 dna od dana stupanja na snagu ovog Zakona.

Član 42.

(Važnost dosadašnjih provedbenih propisa)

Stupanjem na snagu ovog zakona prestaje važiti Zakon o Fondu za zaštitu okoliša ("Službene novine Federacije BiH", br. 33/03).

Svi provedbeni propisi koji su doneseni na osnovu Zakona o Fondu za zaštitu okoliša ("Službene novine Federacije BiH", br. 33/03), ostaju na snazi, ukoliko nisu u sukobu sa odredbama ovog zakona.

Član 43.

(Stupanje na snagu)

Ovaj zakon stupa na snagu osmoga dana od dana objave u "Službenim novinama Federacije BiH".

OBRAZLOŽENJE

I. USTAVNI OSNOV

Ustavni osnov za donošenje ovog Zakona je sadržan u glavi III, član 2. alineja c. Ustava Federacije Bosne i Hercegovine, prema kojem je politika zaštite čovjekovog okoliša u zajedničkoj nadležnosti Federacije Bosne i Hercegovine i kantona.

II. RAZLOZI ZA DONOŠENJE ZAKONA

EKONOMSKI INSTRUMENTI I ZAŠTITA OKOLIŠA

Posljednjih godina se sve veća pažnja pridaje ekonomskim instrumentima i širenju njihove primjene u zaštiti okoliša u zapadnoevropskim i tranzicijskim zemljama što proizlazi prije svega iz sposobnosti ekonomskih instrumenata da:

- stalno podstiču promjenu ponašanja zagađivača prema smanjenju zagađivanja okoliša,
- pridonose prikupljanju finansijskih sredstava za ulaganja u zaštitu okoliša,
- podržavaju načela održivog razvoja jer mijenjaju relativne cijene dobara i usluga koje mogu nepovoljno utiati na okoliš, što vodi alokaciji dobara prema okolišno prihvatljivijoj proizvodnji i potrošnji.

Princip zagađivač plaća jeste princip internaliziranja okolinskih troškova kojim državni organi vlasti nastoje da promovišu zaštitu okoliša, imajući u vidu pristup da zagađivač treba da snosi trošak prouzrokovan vlastitim zagađivanjem poštujući javni interes, a bez narušavanja međunarodne trgovine i ulaganja.

Za štetu nastalu zagađivanjem okoliša odgovara pravna ili fizička osoba koja je nezakonitim ili nepravilnim djelovanjem omogućila ili dopustila zagađivanje okoliša. Princip se ne zasniva na kažnjavanju prema veličini emisije, već prema doprinosu zagađenosti zraka područja, odnosno da se ne zahtijeva samo korištenje savremene tehnike, nego i racionalno korištenje prostora (asimilacionih sposobnosti atmosfere kroz izbor lokacije i parametara dimnjaka).

Postojeći Zakon o Fondu za zaštitu okoliša Federacije BiH („Službene novine Federacije BiH“ broj: 33/03) nije na cjelovit način riješio pitanje uspostave i korištenja ekonomskih instrumenata za okoliš čime je otežana primjena načela integralnog pristupa okolišu, održivog razvoja i načela zagađivač plaća, kao važnih načela formalne politike zaštite okoliša u Federaciji BiH uspostavljenim Zakonom o zaštiti okoliša („Službene novine Federacije BiH“ broj: 33/03 i 38/09).

Problematika energetske efikasnosti je, uz koordinaciju s aktivnostima na izradi Zakona o energetske efikasnosti i korištenju obnovljivih izvora energije, koje provodi Federalno ministarstvo energetike, rudarstva i industrije, obrađena u novom Zakonu.

Nacrt zakona o Fondu za zaštitu okoliša i energetske efikasnost je radila međusektorska radna grupa formirana od predstavnika Federalnog ministarstva okoliša i turizma i Federalnog ministarstva energetike, rudarstva i industrije. Ovakvim pristupom se došlo do jedinstvenog i racionalnog rješenja, čime se izbjeglo bespotrebno normativno dupliranje i formiranje nove institucije, čime je ispoštivan i princip ekonomičnosti

Novim Zakonom se ujedno koordinirano sa Zakonom o vodama („Službene novine Federacije BiH“, broj 70/06) potvrđuje raspodjela vodnih naknada i prihoda prikupljenih po osnovu zakupa javnog vodnog dobra na površinskim vodama I kategorije, koja nije bila obuhvaćena u postojećem Zakonu o Fondu za zaštitu okoliša Federacije BiH.

Precizno se uređuju pitanja distribucije sredstava između Federacije i kantona, kao i pitanja transparentnog rada, planiranja i izvještavanja u cilju efikasnog i namjenskog trošenja sredstava primarno namijenjenih sveukupnom unaprijeđenju stanja okoliša i stvaranja preduslova održivog razvoja.

Od donošenja Zakona o Fondu za zaštitu okoliša Federacije BiH, došlo je do izmjena naziva federalnog ministarstva nadležnog za zaštitu okoliša, te je bilo također nužno izmijeniti naziv ministarstva u novom zakonu.

Za provođenje ovog Zakona potrebno je donijeti provedbene propise koje će donijeti Vlada Federacije BiH, te Federalno ministarstvo okoliša i turizma.

Tekst Zakona o Fondu za zaštitu okoliša i energetske efikasnost Federacije Bosne i Hercegovine

I – OPĆE ODREDBE (članci 1.- 4.)

Član 1. i 2. Zakona o Fondu zaštite okoliša i energetske efikasnosti osniva se Fond i propisuje osnivač Fonda, da je Federacija Bosna i Hercegovina te prava i obaveze osnivača iz stavka 1. ovog članka obavlja Vlada Federacije Bosna i Hercegovina.

Član 3. propisuje se djelatnost Fonda, te da su svi poslovi u vezi sa prikupljanjem i distribucijom sredstava na teritoriji Federacije BiH, ako i finansiranjem pripreme, provedbe i razvoja programa, projekata i sličnih aktivnosti u području očuvanja, održivog korištenja, zaštite i unapređivanja okoliša, te u području energetske efikasnosti i korištenja obnovljivih izvora energije.

Član 4. propisuje ciljeve i principe rada Fonda kojim osigurava financijsku podršku za ostvarivanje ciljeva i principa zaštite okoliša i unapređivanje energetske efikasnosti, definiranih u strateškim dokumentima Federacija, planovima zaštite okoliša kantona i jedinica lokalne samouprave, radi podizanja kvalitete sistemskog i cjelokupnog očuvanja okoliša, očuvanja prirodnih zajednica, uz racionalno korištenje prirodnih dobara, energije i upravljanje otpadom, kao osnovnih preduslova održivog razvoja, te ostvarivanja prava čovjeka na zdrav okoliš.

II – ORGANIZACIJA FONDA (članci 5.- 8.)

Članom 5. propisuje se organizacija Fonda kao javne ustanove koja djeluje u skladu sa propisima koji regulišu rad ustanova, ima svojstvo pravnog lica s javnim ovlastima, pravima, obavezama i odgovornostima utvrđenim ovim zakonom

Članovi 6.,7. i 8. propisuju naziv i sjedište, upravljanje i raspolaganje te i Statut fonda:

- da je naziv Fonda: „Fond za zaštitu okoliša i energetske efikasnost Federacije Bosne i Hercegovine“,
- da je sjedište Fonda u Sarajevu
- da Fond upravlja i gospodari namjenskim sredstvima, utvrđenim ovim Zakonom.

Fond ima Statut i druge opće akte, u skladu sa Zakonu i Statutom Fonda.

Statut Fonda donosi Upravni odbor uz saglasnost Vlade Federacije.

Statutom Fonda pobliže se uređuje:

- djelokrug rada, organizacija ovlaštenja i odgovornosti rukovodstva Fonda;
- ograničenja u pogledu stjecanja, opterećivanja i otuđivanja nekretnina i druge imovine Fonda;
- namjena, način raspoređivanja, odnosno korištenja sredstava Fonda;
- javnost rada Fonda, saradnja s državnim tijelima i drugim pravnim i fizičkim licima u ostvarivanju djelatnosti Fonda;
- obavljanje stručnih, administrativnih i drugih poslova Fonda;
- pitanja za koja propisuje zakon da se uređuju Statutom;
- prava, obaveze i odgovornosti zaposlenika i
- druga pitanja od značaja za obavljanje djelatnosti i poslovanje Fonda.

III – ORGANIZIRANJE I UPRAVLJANJE FONDOM (članci 9.- 15.)

Član 9. propisuje da Fondom upravlja Upravni odbor. Upravni odbor se sastoji od pet članova koje imenuje i razrješava Vlada Federacije. Predsjednik i članovi Upravnog odbora moraju imati sedmi stepen stručne, sprema, odnosno visoko obrazovanje prvog ciklusa, koje se vrednuje sa 240 ECTS bodova, koji imaju najmanje petogodišnje iskustvo za jedno od sljedećih oblasti: zaštite okoliša, energetike, javnih financija i upravljanja vodama. Upravni odbor se imenuje za period od četiri godine.

U Upravni odbor Fonda na prijedlog resornih ministarstava Vlada Federacije imenuje:

- 2 predstavnika Federalnog ministarstva okoliša i turizma;
- 1 predstavnika Federalnog ministarstva energetike, rudarstva i industrije;
- 1 predstavnika Federalnog ministarstva prostornog uređenja i
- 1 predstavnika Federalnog ministarstva poljoprivrede, vodoprivrede i šumarstva.

Član 10. propisuje sljedeći djelokrug rada Upravnog odbora:

- donosi Statut i druge opće akte Fonda;
- usvaja srednjoročni program rada, te godišnji finansijski plan i plan rada na prijedlog direktora Fonda, a u skladu s člankom 3. ovog Zakona;
- usvaja godišnji obračun;
- usvaja godišnji finansijski izvještaj i godišnje izvješće o radu;
- stara se o pravovremenom pritanju sredstava u Fond kao i transparentom odlivu istih;
- održava fiskalnu ravnotežu i ne dopušta stvaranje finansijskih obaveza Fonda prema korisnicima koje ne može pokriti iz prihoda;
- daje saglasnost za donošenje Poslovnika o radu;
- imenuje komisije i radna tijela Upravnog odbora u skladu sa poslovníkom;
- vrši i druge poslove u skladu sa Zakonu, Statutu i drugim općim aktima Fonda i
- imenuje i razrješava direktora Fonda uz saglasnost Vlade Federacije BiH

Član 11. propisuje da Upravni odbor donosi odluke kvalificiranom većinom svih članova Upravnog odbora.

Članom 12. i 13. propisuje se Nadzorni odbor i njegov djelokrug rada: Nadzor nad radom Fonda vrši Nadzorni odbor. Nadzorni odbor se sastoji od tri člana. Predsjednika i članove Nadzornog odbora imenuje i razrješava Vlada Federacije Bosne i Hercegovine na osnovu prijedloga Federalnog ministarstva okoliša i turizma.

Predsjednik i članovi Nadzornog odbora se imenuju na period od četiri godine, i može im se jednom produjiti mandat.

Nadzorni odbor vrši sljedeće poslove:provodi nadzor nad zakonitošću rada Fonda; analizira godišnje izvještaje o radu Fonda; vrši uvid u godišnje izvještaje o poslovanju i godišnji finansijski obračun Fonda i izvještava Vladu Federacije i Parlament Federacije Bosne i Hercegovine o rezultatima nadzora, dok se način rada i donošenje odluka Nadzornog odbora uređuje se Statutom Fonda.

Član 14. propisuje da upravljanje Fondom koje vrši direktor. Direktor predstavlja Fond, a imenuje ga i razrješava Vlada Federacija. Direktor se bira na osnovu javnog konkursa, objavljenog u najmanje dva dnevna lista koja pokrivaju cijelo područje Federacije, za razdoblje od četiri godine.

Za direktora Fonda imenuje se lice sa visokom stručnom spremom, koji ima sedmi stepen stručne, sprema, odnosno visoko obrazovanje prvog ciklusa, koje se vrednuje sa 240 ECTS bodova i najmanje petogodišnje iskustvo u finansijskom poslovanju i poznavanju okolišnog menadžmenta.

Djelokrug, ovlasti i odgovornosti direktora:

- predstavlja i zastupa Fond;
- organizira i rukovodi radom Fonda;
- odlučuje u skladu sa zakonom o pravima iz radnog odnosa zaposlenika u Fondu;
- odgovara za zakonitost rada, korištenje i raspolaganje imovinom Fonda;
- predlaže akte koje donosi Upravni odbor Fonda;
- izvršava odluke osnivača i Upravnog odbora Fonda;
- donosi Pravilnik o unutarnjoj organizaciji i sistematizaciji radnih mjesta u Fondu, uz prethodnu saglasnost Upravnog odbora, i
- obavlja i druge poslove u skladu sa ovim Zakonom i Statutom Fonda.

Član 15. propisuje strukturu Fonda, odnosno da Fond ima upravne, nadzorne, stručne i savjetodavne službe, te se osnivanje, sastav i način rada, te poslovi i ovlasti službi iz stavka 1.ovoga članka uređuju Statutom Fonda, dok se sredstva za obavljanje stručnih, administrativnih i drugih poslova Fonda osiguravaju se iz ukupnoga prihoda Fonda.

IV- OSTVARIVANJE PRIHODA FONDA (članci 16. -21.)

Član 16. propisuje osiguranje prihoda Fonda, te se prihodi Fonda za finansiranje zaštite okoliša, osiguravaju se iz: naknada zagađivača okoliša; naknada korisnika okoliša; posebna naknada za okoliš koja se plaća pri svakoj registraciji motornih vozila; naknada za opterećenje okoliša otpadom; općih i posebnih vodnih naknada i posebne naknade za pitanja energetske , dok se prihodi Fonda osiguravaju se i iz:

- sredstava osiguranih na osnovu međunarodne bilateralne i multilateralne saradnje, te saradnje u zemlji na zajedničkim programima, projektima i sličnim aktivnostima u području zaštite okoliša;
- budžeta Federacije;
- kredita banaka;
- sredstava iz zajmova i pozajmica drugih pravnih lica i finansijskih institucija;
- darovanim sredstvima i drugim vidovima podrške;
- poslovanja Fonda (naknada za obavljene usluge, otplate glavnica, kamata, i drugo) i
- drugih izvora sredstava određenih posebnim zakonom, drugim propisima ili ugovorom.

Članom 17. propisuju su obaveznici plaćanja naknada i to:

Zagađivači okoliša, obaveznici plaćanja naknada iz člana 16., stav 1., alineje 1. ovoga zakona, su:

- pravna i fizička lica čije djelovanje neposredno ili posredno uzrokuje onečišćavanje okoliša u smislu Zakona o zaštiti okoliša, drugih okolišnih zakona i/ili međunarodnih propisa;
- pravna i fizička lica koja proizvode ili uvoze proizvode/robe koje su štetne tvari ili ih sadrže, u skladu sa Zakonom o zaštiti okoliša, drugim propisima i/ili

međunarodnim propisima, odnosno, proizvode/robe koje mogu značajnije opteretiti okoliš;

- pravna lica koje svojim aktivnostima onečišćuju okoliš na način da emituju u zrak zagađujuće materije.

Korisnici okoliša, obaveznici plaćanja naknade iz člana 16., stav 1., alineje 2. ovoga zakona su pravna i fizička lica koja su vlasnici ili ovlaštenici prava na građevinama, odnosno građevnim cjelinama koje služe za obavljanje privredne ili druge djelatnosti za koje je propisana obveza izrade studije o procjeni utjecaja na okoliš.

Obaveznici plaćanja posebne naknade iz člana 16 stav 1., alineje 3. su pravne i fizičke osobe koja su vlasnici ili ovlaštenici prava na motornim vozilima.

Obveznici plaćanja posebne naknade iz člana 16 stav 1., alineje 4. su pravna i fizička lica definirana Zakonom o upravljanju otpadom i njegovim provedbenim propisima.

Obaveznici plaćanja posebne naknade iz člana 16 stav 1., alineje 5. su pravna i fizička lica definisana Zakonom o vodama Federacije BiH.

Obaveznici plaćanja posebne naknade iz člana 16 stav 1., alineje 6. su pravna i fizička lica kako je definisano propisima o energetske efikasnosti.

Fizička lica iz stava 1. ovog člana su poduzetnici koji obavljaju djelatnost u svoje ime i za svoj račun radi stjecanja dobiti u skladu sa propisom koji regulišu obrtničko-poduzetničku djelatnost.

Član 18. definiše naknadu koju donosi Fond rješenjem o naknadama u okviru povjerenih javnih ovlasti.

Iznosi naknada iz člana 16., stav 1., alineja 1. ovog Zakona koje plaćaju obaveznici plaćanja zagađivači okoliša iz člana 17., stav 1. ovog Zakona određuju se prema:

- količini, jačini utjecaju i/ili vrsti ispusta zagađujućih tvari;
- vrsti količini i osobini odloženih otpadnih tvari, koje neposredno ili posredno nakon upotrebe proizvoda/roba i/ili hemijskih proizvoda dolaze u okoliš, te drugih zahvata ili pojava nepovoljnih za okoliš;
- cijeni, odnosno carinskoj vrijednosti proizvoda/robe, te količini i stepenu štetnosti ili nepovoljnog utjecaja na okoliš, odnosno opterećenja;
- cijeni usluge i
- te na drugi način utvrđen propisom iz stavka 5. ovoga člana.

Iznosi naknada iz člana 16., stav 1., alineje 2., koje plaćaju korisnici okoliša iz člana 17 stav 2. ovoga zakona određuje se prema:

- veličini i vrsti građevine, građevne cjeline, odnosno zahvata (površine, namjeni, vrsti gradnje, kapacitetu i dr.) i stepenu negativnog uticaja na okoliš,
- te na drugi način utvrđen propisom iz stava 7. ovoga člana.

Iznosi naknada iz člana 16., stav 1., alineje 3., koje plaćaju vlasnici ili ovlaštenici prava prema motornim vozilima, određuje se prema:

- vrsti i starosti motornog vozila;
- vrsti motora, pogonskog goriva i radnoj zapremini motora;
- te na drugi način utvrđen propisom iz stava 7. ovoga člana.

Detaljne mjere i način određivanja naknada iz stava 2., 3., i 4., ovoga člana propisuje Vlada Federacije BiH.

Članom 19. propisuju se načini obračuna i plaćanja, te rokovi obračuna i plaćanja iz člana 17. stav 1 propisat će Federalni ministar okoliša i turizma uz saglasnost Federalnog ministra finansija, a u skladu sa postojećim zakonima i propisima iz područja zaštite okoliša, vodoprivrede, upravljanja otpadom i energijom.

Naknade utvrđene u skladu sa stavom 1. ovoga člana uplaćivati će se u korist Fonda, danom stupanja na snagu propisa iz stava 1. ovoga člana.

Članom 20. propisuju se povlastice obaveznika plaćanja da u iznimnim situacijama, Vlada Federacije će na usaglašeni prijedlog Federalnog ministarstva okoliša i turizma i Federalnog ministarstva energije, rudarstva i industrije odrediti povlastice, oslobađanje ili olakšice od plaćanja naknada za određene kategorije obaveznika.

Član 21. propisuje Registar obaveznika plaćanja. Fond je dužan za obaveznike plaćanja uspostaviti i voditi registar obaveznika plaćanja naknada i sredstava iz člana 18. ovog Zakona, sadržaj, način i rokove uspostave i vođenja registra propisati će Federalni ministar okoliša i turizma.

V – RASPODJELA SREDSTAVA (članci 22. -24.)

Član 22. propisuje način raspodjele prikupljenih sredstava i to slijedom:

Sredstva prikupljena u Fond bit će raspoređena u skladu s postojećim zakonima i propisima iz oblasti: zaštite okoliša; upravljanja vodama; upravljanja otpadom; energetske efikasnosti; obnovljivih izvora energije i kogeneracije .

Sredstva od naknade za zagađivače okoliša prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu s udjelom plaćene naknade na području pojedinih kantona.

Sredstva od naknade za korisnike okoliša prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu s udjelom plaćene naknade na području pojedinih kantona.

Sredstva od opće i posebne vodne naknade, u iznosu definisanim Zakonom o vodama, prikupljaju se i raspodjeljuju se na osnovni račun Fonda.

Sredstva od naknade za opterećenje okoliša otpadom prikupljaju se na osnovni račun Fonda i troše u skladu sa akcionim planom Federalne strategije zaštite okoliša, Federalnim planom upravljanja otpadom, i drugim planovima donesenim u skladu sa Zakonu o upravljanju otpadom i njegovim provedbenih propisa.

Sredstva od posebne naknade za okoliš, koja se plaća pri svakoj registraciji motornih vozila, prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu sa udjelom plaćene naknade na području pojedinog kantona.

Sredstva od posebne naknade za energetska efikasnost prikupljaju se i raspodjeljuju u odnosu 30% na osnovni račun Fonda a 70% na podračune Fonda za kantone u skladu sa udjelom plaćene naknade na području pojedinog kantona.

Fond je dužan da osigura da nadležna tijela kantona imaju stalni uvid u promet i stanje podračuna Fonda za taj kanton.

Kantoni imaju pravo na korištenje cjelokupnog iznosa sredstava na podračunu za svaki od kantona, podnošenjem zahtjeva prema Fondu za zaštitu okoliša i energetska efikasnost uz ispunjavanje sljedećih uvjeta:

- da je kanton u prvom tromjesečju tekuće godine dostavio Fondu prihvatljiv izvještaj o namjenskom korištenju sredstava doznačenih za proteklih 12 mjeseci;
- da kanton posjeduje i dostavi Fondu Plan zaštite okoliša i Plan energetske efikasnosti kantona, usvojen od strane vlade kantona;
- da je kanton u prvom tromjesečju tekuće godine, dostavio Fondu godišnji plan investiranja u projekte zaštite okoliša i energetske efikasnosti, koji je usklađen sa Planom zaštite okoliša kantona;

Fond po osnovu podnesenog Zahtjeva iz stava 9 ovog člana donosi Rješenje.

Na Rješenje fonda može se izraziti žalba nadležnom Federalnom ministarstvu u roku od 8 dana, od dana dostavljanja Rješenja. Sredstva s podračuna Fonda za kanton uplaćuju se kantonu u roku 15 dana od odobrenja Zahtjeva za finansiranje iz stava 9. ovog člana i nastavljaju distribuirati kvartalno za tekuću godinu.

Članom 23. definišu se korištenja prikupljenih sredstava na način da se sredstva Fonda prikupljaju i koriste isključivo namjenski za finansiranje zaštite okoliša, poboljšanje energetske efikasnosti i korištenja obnovljivih izvora energije, u skladu sa akcionim planom Federalne strategije zaštite okoliša, ovim zakonom, statutom, programom rada Fonda, kao i drugim relevantnim strateškim i planskim dokumentima Federacije BiH i Bosne i Hercegovine a posebno za:

- zaštitu, očuvanje i poboljšanje kvaliteta zraka, tla, voda i mora, te ublaživanje posljedica klimatskih promjena i zaštitu ozonskog omotača;
- saniranje, podsticanje izbjegavanja i smanjivanja nastajanja otpada;
- iskorištavanje vrijednih svojstava, te obrade otpada;
- zaštitu i očuvanje biološke i pejzažne raznolikosti;
- provedbu energetskih programa iz područja poboljšanja energetske efikasnosti i korištenja obnovljivih izvora energije;
- programa razminiravanja;
- unapređivanje i izgradnju infrastrukture za zaštitu okoliša;
- poboljšanje praćenja i ocjenjivanja stanja okoliša, poboljšanja energetske efikasnosti i povećanja udjela obnovljivih izvora energije na federalnom i kantonalnom nivou kao i pratećih ekonomskih i društvenih koristi,
- uspostavu sistema upravljanja okolišnim podacima, informacijama, indikatorima i izradu periodičnih izvještaja o stanju okoliša Federacije;
- podsticanje uvođenja sistema upravljanja energijom i primjene mjera energetske efikasnosti u javnom i privatnom sektoru;

- podsticanje čistijeg transporta;
- podsticanje održivog korištenja prirodnih dobara, poboljšanja energetske efikasnosti i korištenja obnovljivih izvora energije;
- podsticanje održivih privrednih djelatnosti, odnosno održivog ekonomskog razvoja;
- podsticanje istraživačkih, razvojnih studija, programa projekata i drugih aktivnosti, uključujući i demonstracijske, obrazovne aktivnosti i aktivnosti jačanja i podizanja svijesti javnosti o pitanjima zaštite okoliša, energetske efikasnosti i održivog razvoja.

Fond može sudjelovati u sufinansiranju programa, projekata i sličnih aktivnosti za namjene iz stava 1. ovoga člana, koje organizuju i finansiraju međunarodne finansijske institucije i organizacije.

Kantoni sredstva sa podračuna Fonda za kanton moraju koristiti za namjene iz stava 1. ovog člana u skladu sa strateškim programima zaštite okoliša i energetske efikasnosti kantona iz člana 22. stav 9. ovog Zakona.

Kantoni su dužni, u prvom tromjesečju tekuće godine, Fondu podnijeti izvještaj o namjenskom korištenju doznačenih sredstava za proteklih 12 mjeseci.

Izvještaj iz stava 4. ovog člana mora sadržavati i plan investiranja u projekte zaštite okoliša i energetske efikasnosti na području kantona iz člana 22. stav 9. ovog Zakona za sljedećih 12 mjeseci.

Član 24. propisuje dodjelu sredstava i to slijedom da:

Sredstva Fonda dodjeljuju se pravnim i fizičkim licima, korisnicima sredstava, radi finansiranja namjenom utvrđenih članom 23., stavom 1. ovoga zakona, putem zajmova i pozajmica, kredita, subvencija i grantova, a na osnovu javnog konkursa kojeg objavljuje Fond.

Javne konkurse iz stava 1. ovog člana Fond objavljuje za cijelo područje Federacije BiH, te za javne konkurse iz stava 2. ovog člana koriste se sredstva s osnovnog računa Fonda, a isti program, projekt ili aktivnost ne može biti finansiran i s federalnog i sa kantonalnog nivoa.

Fond je dužan pri dodjeli sredstava primjenjivati princip po kojem se raspoloživim sredstvima treba postići najveća ukupna korist po okoliš, privredu i društvo.

Iznimno od stava 4. ovog člana, Fond može dodijeliti finansijska sredstva za programe, projekte i/ili aktivnosti koji su dio sufinansiranja dobili i iz sredstava Fonda namijenjenih za kantone, ako se dokaže ostvarenje najveće koristi u skladu sa stavom 5. ovog člana, te iznimno od stavke 1. ovog člana, Fond može sredstva dodijeliti s osnovnog računa i na osnovu odluke Vlade Federacije o sufinansiranju programa, projekata i ostalih aktivnosti kojim se realizuju strateški dokumenti Federacije BiH iz područja zaštite okoliša i poboljšanja energetske efikasnosti.

Također, iznimno od stava 1. ovog člana, Fond može sredstva dodijeliti s podračuna kantona i na osnovu odluke vlade kantona o sufinansiranju programa, projekata i ostalih aktivnosti kojim se realiziraju plan zaštite okoliša i poboljšanja energetske efikasnosti.

Općima aktima Fonda utvrđuju se uslovi koje moraju ispunjavati i korisnici sredstava Fonda, uslovi za dodjelu zajmova i pozajmica i drugih sredstava Fonda, mjerila ocjenjivanja zahtjeva za dodjelu sredstava Fonda, odnosno programa, projekata i sličnih aktivnosti, način praćenja namjenskog korištenja sredstava i ugovorenih prava i obaveza, te druga pitanja od značaja za dodjelu i korištenje sredstava Fonda.

Opće akte iz stava 9. ovoga člana donosi Upravni odbor Fonda uz prethodno pribavljenu saglasnost Federalnog ministarstva okoliša i turizma i Federalnog ministarstva energije, rudarstva i industrije. Korisnici su dužni dodijeljena sredstva Fonda koristiti na način i za namjene utvrđene ugovorom o korištenju sredstava.

VI – IMOVINA I FINANSIJSKO POSLOVANJE FONDA (članci 25. -30.)

Članom 25. i 26. definiše se imovina Fonda i korištenje dobiti Fonda i to da imovinu Fonda čine predmeti, prava i ostala sredstva pribavljena od osnivača, sredstva koja Fond pribavi i obavljanjem svoje djelatnosti ili na drugi način propisan ovim Zakonom, kao i da imovinom Fonda raspolaže direktor Fonda u skladu sa zakonom i Statutom Fonda, te ako u svom obavljanju djelatnosti Fond ostvari dobit, ta dobit pripada Fondu i može se upotrijebiti isključivo za obavljanje i razvoj djelatnosti Fonda.

Članom 27. propisuje se program rada Fonda i to da Fond donosi srednjoročni program rada, koji ne može biti kraći od tri godine, godišnji finansijski i godišnji plan rada, za svaku poslovnu godinu, koje odobrava Vlada Federacije BiH, a po prethodno pribavljenoj saglasnosti Federalnog ministarstva okoliša i turizma i Federalnog ministarstva energije, rudarstva i industrije, kojim se utvrđuje pravac, dinamika i politika razvoja Fonda, te da program rada iz stavka 1. ovog člana mora biti usklađen sa strateškim i planskim dokumentima Federacije iz područja zaštite okoliša i energije. U srednjoročnom programu rada, godišnjem planu rada i godišnjem finansijskom planu odvojeno se prikazuju programi i projekti, te finansijska sredstva u području zaštite okoliša i u području poboljšanja energetske efikasnosti.

Dok neutrošena sredstva Fonda u poslovnoj godini pripadaju Fondu i raspoređuju se prema planu korištenja viška sredstava uz saglasnost Federalnog ministra finansija.

Član 28. definiše srednjoročne i dugoročne obaveze Fonda, odnosno da ih Fond može preuzimati uz prethodnu saglasnost Vlade Federacije, te da je ukupna godišnja obaveza Fonda iz stava 1. ovoga člana za naredni period može iznositi najviše do 20% ostvarenih sredstava u prethodnoj godini.

Član 29. propisuje se finansiranje programa i projekata gdje se sredstvima Fonda prvenstveno finansiraju planovi, programi, projekti i slične aktivnosti, utvrđeni u skladu sa akcionim planom Federalne strategije zaštite okoliša, strateškim dokumentima iz oblasti energije, te drugim dokumentima u području zaštite okoliša i energetske efikasnosti, dok se u finansiranju planova, programa, projekata i sličnih aktivnosti, utvrđenih sukladno stavkom 1. ovoga člana, Fond surađuje s donatorima, bankama i drugim finansijskim institucijama.

Član 30. definiše reguliranje plaćanja kroz utvrđivanje vrste i visine naknade, obaveznika plaćanja, nastanka obaveze obračuna naknada, načina obračuna i plaćanja, rokova za uplatu, povlastica obaveznika plaćanja, vođenja registra primjenjuju se odredbe ovoga zakona i njegovih provedbenih propisa i Zakon o upravnom postupku ("Službene novine Federacije BiH")

VII – JAVNOST RADA FONDA (član 31.)

Član 31. propisuje da je rad Fonda javan, da će Fond podnijeti Vladi Federacije izvještaj o radu i izvještaj o realizaciji finansijskog plana i programa za proteklu godinu u roku utvrđenom Statutom Fonda, te da Fond o svomu radu izvještava javnost pravovremeno i istinito na način određen Statutom Fonda.

Statutom Fonda može se propisati provođenje nadzora poslovanja Fonda od strane nezavisnih ovlaštenih revizorskih kuća, a Fond je dužan javnosti, ovlaštenim tijelima i pravnim licima koje obavljaju javne djelatnosti, na njihov zahtjev pružiti informaciju o obavljanju svoje djelatnosti, posebno o načinu korištenja sredstava i postignutim učincima na unapređivanju okoliša, poboljšanju energetske efikasnosti, te omogućiti uvid u odgovarajuću dokumentaciju.

Fond može uskratiti davanje informacije, odnosno uvid u dokumentaciju, ako je Statutom Fonda propisana kao službena, poslovna ili naučna tajna.

VIII – UPRAVNI I INSPEKCIJSKI NADZOR (član 32. -33.)

Članci 32. i 33. propisuju Upravni i Inspekcijski nadzor nad provođenjem Zakona, da Upravni nadzor nad provođenjem ovog zakona i općih akata Fonda provode Federalna ministarstvo okoliša i turizma i Federalno ministarstvo energije rudarstva i industrije svako iz svog djelokruga, dok Inspekcijski nadzor nad provođenjem ovog zakona i općih akata Fonda obavljaju inspektori Federalne uprave za inspekcijske poslove nadležni za oblast okoliša i energije.

IX – KAZNE ODREDBE (član 34.- 39.)

Član 34. propisuje kazna za obveznike koji ne uplaćuju naknade ili sredstva i to:

Novčanom kaznom u iznosu od 1.000,00 KM do 10.000,00 KM kaznit će se pravno lice, obveznik plaćanja, koji ne uplaćuje naknade ili sredstva, u skladu sa odredbama Čl. 16., 17., 18. i 19. ovoga Zakona

Za prekršaj iz stava 1. ovog člana, kaznit će se i odgovorna osoba pravnog lica, novčanom kaznom u iznosu od 500,00 KM do 3.000,00 KM.

Novčanom kaznom u iznosu od 50,00 KM do 500,00 KM kaznit će se fizičko lice koje počini prekršaj iz stava 1 ovog člana.

Članom 35. propisuje se kazne Fondu za neuspostavljanje registra obveznika i to:

Novčanom kaznom od 1.000,00 KM do 10.000,00 KM kaznit će se Fond ako ne uspostavi registar obveznika plaćanja na propisani način u skladu sa članom 21. ovog zakona.

Za prekršaj iz stava 1. ovog člana kaznit će se odgovorno lice u Fondu, novčanom kaznom od 500,00 KM do 3.000,00 KM.

Član 36. propisuje kazne Fondu za nedostavljanje izvještaja nadležnim tijelima i to: Novčanom kaznom od 1.000,00 KM do 10.000,00 KM kaznit će se Fond ako ne dostavi izvještaj nadležnim tijelima ili ih ne dostavi u propisanom roku u skladu sa članom 22. i 31. ovog zakona. Za prekršaj iz stava 1. ovog člana kaznit će se odgovorno lice u Fondu, novčanom kaznom od 500,00 KM do 3.000,00 KM.

Član 37. propisuje se kazne Fondu za neizvješćivanje ili ne pružanje informacija i to: Novčanom kaznom u iznosu od 1.000,00 KM do 10.000,00 KM kaznit će se Fond ako o svom radu ne izvještava javnost ili ne pruža informacije ovlaštenim tijelima i pravnim licima o obavljanju svoje djelatnosti, te o načinu korištenja sredstava i postignutim učincima na unapređivanju stanja okoliša, ili onemogućiti uvid u odgovarajuću dokumentaciju, u skladu sa članom 31. ovog zakona.

Član 38. propisuju se kazne za obaveznika neprijavljivanja i to: Novčanom kaznom od 1.000,00 KM do 10.000,00 KM kaznit će se obaveznik plaćanja ako ne prijavi statusnu promjenu ili promjenu djelatnosti u propisanom roku u skladu sa članom 21. ovog zakona.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500,00 KM do 2.000,00 KM.

Član 39. propisuju se kazne za Fond za kašnjenje uplata kantonima i to: Novčanom kaznom od 3.000,00 KM do 15.000,00 KM kaznit će se Fond ukoliko, u zakonom predviđenom roku, ne uplati sredstva kantonima u skladu sa članom 22. ovog zakona.

Za prekršaj iz stava 1. ovog člana kaznit će se i odgovorno lice u Fondu novčanom kaznom od 500,00 KM do 3.000,00 KM.

X – PRELAZNE I ZAVRŠNE ODREDBE (članci 40.- 43.)

Članom 40.,41.,42. i 43. regulisane su završne odredbe kroz funkcionisanje fonda nakon stupanja Zakona na snagu, da stupanjem na snagu ovog Zakona Fond za zaštitu okoliša Federacije BiH i dalje nastavlja postojati sa izmijenjenim nazivom, koji glasi: „Fond za zaštitu okoliša i energetske efikasnosti Federacije Bosne i Hercegovine“, uz postojeći djelokrug rada proširen ovim Zakonom, te da Upravni i Nadzorni odbor ostaju u funkciji do imenovanja novih u skladu sa odredbama ovog Zakona, da Vlada Federacije će, u roku od 30 dana od dana stupanja na snagu ovog Zakona, izvršiti imenovanje članova Upravnog i Nadzornog odbora Fonda u skladu sa ovim Zakonom, da će svi postojeći zaposlenici ostati i dalje zaposlenici Fonda, te da će Fond u roku od 60 dana od dana stupanja na snagu uskladiti poslovanje, Statut i druge opšte akte sa odredbama ovog Zakona.

Također, regulisano je i da Vlada Federacije donosi provedbene propise iz člana 18. ovog zakona u roku od 90 dana od dana stupanja na snagu ovog zakona, da

Federalni ministar okoliša i turizma, uz saglasnost Federalnog ministra finansija, donijet će provedbeni propis iz člana 19., u roku od 90 dana od dana stupanja na snagu ovoga Zakona.

Federalni ministar okoliša i turizma, donijet će provedbeni propis iz člana 21., u roku od 90 dana od dana stupanja na snagu ovoga Zakona.

Da stupanjem na snagu ovog zakona prestaje važiti Zakon o Fondu za zaštitu okoliša ("Službene novine Federacije BiH", br. 33/03).

Da svi provedbeni propisi koji su doneseni na osnovu Zakona o Fondu za zaštitu okoliša ("Službene novine Federacije BiH", broj 33/03), ostaju na snazi do donošenja novih, ukoliko nisu u sukobu sa odredbama ovog Zakona.

Da ovaj zakon stupa na snagu osmoga dana od dana objave u "Službenim novinama Federacije BiH".

III. FINANSIJSKA SREDSTVA

Za donošenje i provođenje ovog zakona nije potrebno osigurati dodatna sredstva u Budžetu Federacije BiH.

